



## Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris  
Ordinis D. Avgvstini. Opera Omnia**

**Thomas <von Kempen>**

**Dvaci, 1625**

De Solitvdine Et Silentio.

[urn:nbn:de:hbz:466:1-45790](#)

quod effodi mihi. Gauisus sum vehementer, quod intueni sepulchrum; ut dormiam in illo, & non videam mala super terram. Tædet animam meam vitæ meæ, & dolor meus renouatur quotidie. Peto ergo mi Domine Deus, vt absoluas me ab omni peccatum vinculo, & desuper terram eripias me, quia melior est mihi mors quam vita. Et quid hic amplius faciam? Trascunt dies & dies, anni & anni, seruus autem tuus non multum proficit. Ne protrahas indignum seruum tuum, nec patiaris eum diutius vagari post vanitatem huius vitæ. Erravi sicut ouis, quæ perijt; require seruum tuum Domine, quia tempus est. Neque iustitia mea, neque bonitas mea Domine: sed misericordia tua & mansuetudo, quæ mensurari non potest. Secundum hanc fac mihi seruo tuo, & visita me in salutari tuo, ad viuendum in bonitate electorum tuorum, ad latandum in letitia gentis tuæ; ut lauderis cum hereditate tua quam acquisisti sanguine tuo. Qui cum Patre & Spiritu sancto manes Deus benedictus in secula. Amen.

Psal. 118.

Psal. 105.

## DE SOLITUDINE

## ET SILENTIO.

## CAPVT PRIMVM.

*De Solitudine.*

## ARGVMENTA HVIVS CAPITIS.

P Refatio, in qua commendatur solitudo.

De consideratione diuina bonitatis.

De humilitate nostra, secundum ordinationem Dei.

Vtile esse existenti in quiete, ut recogitet de priori labore.

De amore ad solitudinem & secretum.

Quod non omnium est vacare.

Contemptus consolationum extranearum.

Consolatio infirmerum.

Consolatio in scripturis diuinis.

Spiritualis dilectio ad Sanctos.

Congratulatio ad pie defunctos.

Consolatio spiritualis hominis.

Communis vita magna iam apparet, si bene seruetur.

Signa denotorum.

§.1

2

3

4

5

6

7

8

9

10

11

12

13

14

Tet.



Tentationes deuotorum.	15
Reprobatio temporalis solatij.	16
Commendatio dulcedinis caelestis, qua est in Christo.	17
De familiaritate cum Iesu.	18
Quod diuersimode nunc adest Iesus dilectis suis.	19
De laude patientis adversa cum Iesu & scandalis.	20
De solatio habendo cum Christo Iesu.	21
Vita Christi & sanctorum extra mundum fuit.	22
De quiete cellicola à turbine seculi.	23
De inclusorio & secreto cordis in omni loco.	24

## 1. Prefatio, in qua solitudo commendatur.

**C**Harissime, cū esses in occupationibus externis, & pro nomine Christi laborem subijsses fraternum, breui quadā admonitione ( sicut tunc poscebat rei vtilitas ) te iuuare quasi spirituali manu volui, quoniam aliter non potui; vt dum illam aliquādo attenderes, rectius inter curas ambulares. Sed iam nunc cū solutus sis ab illo onere, & restitutus pristinæ quieti, etiam solatium fraternum tibi nolo subtrahere: sed modicum de amore cellæ & silentij custodia ( quia sic ordo postulat viuendi ) dicam.

## 2. Consideratio divina bonitatis.

**D**Ebes in hac restitutione tua, diuinam super te bonitatem multiformiter attendere & ei, quacunque de causa factū sit, multum regratīari. Autūno quod pro tuo profectu erit, quicquid expertus es in illo officio, quod ante nesciebas. Spero iterū, quod nō minus tibi prosperabitur ad bonum tuum, quoniam liberatus es & solutus, atque tibi pleniū redditus.

## 3. De humilitate nostra, secundum ordinationem Dei.

**I**N omnibus denique temporalibus variationibus, siue per nos siue per alios contingunt, supernam ordinationem considerare debemus; & tali ordinatione nos humiliter Deo prosternere, atque petere, vt ipse nobis donet, quod saluti nostræ plus videbit prodesse. Sicut lutum in manu figuli, ita nos in manibus eius. Tantum dignetur nos facere vas in honorem, & non in contumeliam. Siue fecerit nos paruos, & contemptibiles, & extremos inter fratres nostros, non hoc multū curemus, dummodo aq[ue] illi mereamur placere. Et vriquè credimus & confiteri debemus; vnum Deum patrem nos omnes habere, quotquot siue per gra-

112m

tiam siue per naturam existimus. Et ideo de inæqualitate meritorum & distributione officiorum, nulli expedit iniustè cogitare aduersus aliquem quantumlibet despectum & inferiorem ceteris hominibus in hoc mundo. Ad propositū ergo rediens dico, quòd propter dimissam illius officij curam, non es modo inferior aut inutilior ad pia opera facienda, de quo aliqua scripsi tibi, ut senseras tunc conuenientia: sed forte modò talia non sapiunt, quia non conueniunt bene. Sed quid in futurum adhuc valeant, nescis, cùm possit res confimilis aduenire. Sunt tamen ibi, si aduertis, quedam quæ quieti & proposito præsenti deseruiunt.

4. *Vtile est existenti in quiete, ut recogitet de priori labore.*

In quiete  
& ocio  
suavis est  
& utilis re-  
cordatio  
laboris  
præteriti.

**S**I ergo ad memoriam tuam redeūt illa onera & occupationes elapsæ, forsitan vtiliter interdum prosunt; tunc credo clarius senties, quantū distat inter tunc & nunc. Videbis quoque, quod tuæ virtutis non iterat animam potuisse sub interiori custodia in occupationibus seruare, quando & in quiete vix cohibere se præualet humana infirmitas. Pepercit igitur tibi Deus, & ideo gaude in adepta simplicitate, & conuerte sensum tuū liberius ad intelligentiam spiritualiū rerū. Citò vilesct sapiētia terrena, amanti cœlestem sapientiam. Rarò diu conueniunt, frequens exteriorum occupatio, & diuinorum secretorum notitia.

5. *De amore ad solitudinem & secretum.*

Cant. 8.  
Iogn. 5.

Psal. 34.  
Psal. 35.  
Psal. 36.  
Psal. 88.

**F**uge dilecte mi, ait sponsa: quia & sponsus Iesus legitur etiam declinasse à turba constituta in loco. Eris frequenter cū Iesu, si amaueris secretum, & curaveris custodire paradisi locū, quem beatus Hieronymus cellam nominat dicens: Quandiu non es in patria, cella sit paradiſus tuus. Inibi gaudebis in Domino, & confabuleris ei, & ille respondebit tibi: Appropinquabit cordi tuo lux eius, & veritas manifestabitur tibi amplius. Sole orto & seruente, multiplicabuntur radij illius, & Christo veniente, illuminabitur interior domus tua. Emundaberis lumine novo, & in fulgore eius persultabunt omnia interiora tua. Et dices: Domine quis similis tibi? Quām verus sermo, quem legi: In lumine tuo videbimus lumen? Et nunc Domine Deus, illuminatio mea, & salus mea, in lumine tuo ambulabo, & in nomine tuo exultabo tota die, & in iustitia tua exultabo; quia gloria virtutis meæ tu es, & in beneplacito tuo voluntas mea stabit.

6. Non



## 6. Non est omnium vacare.

**C**onsidera gratiam tibi desuper datam, & vivere secundum  
eā curato, quoniam non omnibus sic vacat solatiari cum  
Christo, quemadmodū oblatum est tibi aptū & sufficiens tempus  
præ cæteris. Tantū assit spiritus Iesu, qui docet & illuminat om-Ioan. 1.  
nem hominē venientem in hunc mūdum. Cū enim adeſt spiritus  
cius, non habes requirere præsentiam alicuius hominis, vt conſo-  
leris. Quando autem abeft, exspecta eum, quoniam veniet, & non  
tardabit.

## 7. Contemptus consolationum extranearum.

**A**uere tamen oportet, vt deforis superflua solatia non petā-  
tur: sed vel interim silentio & luctui infistere, aut cū amico  
de negligentia & angustia sua conferre. Et ista hominis consola-  
tio, satis v̄tilis & necessaria tempore suo, quia non omnium est  
dicere cum Apostolo: Quia non ab homine, neque per hominem Galat. 1.  
didici, sed per reuelationem Iesu Christi. Qui humano solatio  
non eget, multum super hoc regratiari Deo potest.

## 8. Consolatio infirmorum.

**E**t qui adhuc carere non potest, quid nisi Deum in seruis suis  
humiliter audire debet: & non sicut ab homine, sed tanquam  
ab ore Dei prolatum sit, consolationis verbum suscipere? Qui  
etiam per scripturas nobis adhuc tanquam paruulis loquitur, ha-  
beamus tamen aliquid, vnde consolemur.

## 9. Consolatio in scripturis diuinis.

**E**s enim non parua consolatio, qui nullam exteriorem habet,  
quòd delectatur in scripturis diuinis. Et cùm legit Euangeliū  
aut Prophetas, nonne videtur quodammodo colloquium cele-  
brare cum Iesu & Apostolis eius, nec cum prophetis antiquis? Et  
cùm cæteros libros doctorum audiſſimè legit, quid nisi ex bo-  
na eorum societate, à se omne mentis fastidium repellit? An non  
ſepiſſime, cùm Augustinum vel Gregorium legis, tanquam præ-  
ſentes eos intueris? Aut minori affeſtu eorum dicta complete-  
ris, quia in carne non sunt; quām si viuerent, & ad te ſua ſcripta  
direxifſent?

## 10. Spiritualis dilectio ad Sanctos.

**P**offet fortè magis aliquid conferre tibi veneranda ipsorum  
præſentia: fed spiritualis homo hanç affectionem facilè ſu-  
pergreditur, cui in Deo omnes viuunt & præſentes ſunt; qui  
&

& in hominibus sanctis non tantum corporalem aspectum, quan-  
rum diuinam in eis gratiam intuens, spiritualiter eos ubique di-  
ligit & veneratur. Nonne & prædictorum duorum Patrum sen-  
tentia meminit, quod ideo Iesus Christus suam nobis corpora-  
lem subtraxit præsentiam; ut fide coleretur potius quam oculo  
*Ioan. 6.* & spiritu ac mente arctius diligenter quam aspectu? sicut idem  
ipse Dominus noster ait: *Nisi abiero, paracitus non veniet. Expedi-*  
*enim vobis, ut ego vadam.*

11. *Congratulatio ad pie defunctos.*

**C**um ergo tollitur a nobis spirituales amici, si sequuntur Chri-  
stum ad caelos ascendentem, congaudendum erit utique ei-  
quia vadit ad Patrem, quia illam caelestem mansionem accipiunt  
ad quam nostra peregrinatio in hac valle lachrymarum toties sul-  
pirat. Si vero aliqui adhuc differuntur a regno, pro parvulorum  
eos nimirum consolatione viuere credendum est, quibus lac spi-  
ritalis consolationis opus est.

12. *Consolatio spiritualis hominis.*

**Q**ui autem ad tantam gratiam pervenire potest, ut sine hu-  
mano solatio etiam & solus viuere dulce habeat, gaudet qui  
quanto exterius minus querit, tanto uberior intus per spiritum  
consolari merebitur. Huiusmodi hominis est, iugi meditatione  
diuinæ legis cuncta terrena obliuisci, & ardenti mentis desideri  
beatorum gaudijs interesse, ac omnem consolationis suavitatem  
in illa beatitudine constitueret atque ex hinc frequenter haurire  
fluenta deuotarum lachrymarum, quæ ipsi etiam præ amoris  
magnitudine dulces sunt, quemadmodum sanctus David ex de-  
*Psal. 41.* siderio videndi Deum loquitur: *Fuerunt mihi lachrymae meæ pa-*  
*die ac nocte, dum dicitur mihi quotidie, ubi est Deus tuus?* Quam  
bonum est homini sic esse! sed non sine labore & custodia sui po-  
terit diu sic esse. Multa sunt enim, quæ hominem a suo propo-  
sito retrahunt.

13. *Communis vita magna iam apparet, si bene seruetur.*

**S**ed tamen magnum pro nunc videtur, si quis communis vita  
sequens formam nullos superfluos exitus & circuitus faciat  
licet propter grauitatem vitæ, quandoq; necessarios egressus de-  
uitare aliquid maius sit. Qui adhuc largioribus indigent consola-  
tionibus, non sunt despiciendi, nec fragendi: fortè expedit ali-  
quibus, ut parumper de acre rapiant. *Quia si omnem perdiderint*  
*humanam*



humanam consolationem, cùm diuinam nondum idonei sint Infimorum perfectè capere, consumentur tedium, & affligentur plustquam oportet, nescientes viam fortium imitari. Tu autem ascende modicum altius, & sic compatere aliis, vt imitari tamen eorum infirma non velis. Strictiora tamen & grauiora, quām portare sufficias, non approbo; sed secundūm facultatem tuam, secretum & solitudinem, vt religiosiū vaces, propono.

## 14. Signa deuotorum.

**B**onum signum deuotionis est, cellam amare, vel alterum locum aptum ad vacandum Deo expetere, ne impediatur spiritus in oratione vel meditatione cœlesti. Amabilis talis vita, non onerosa. Siquidē deuotis mentibus omnis locus secretus aptus & placidus, & omne tempus breve ad exercitia spiritualia.

## 15. Tentationes deuotorum.

**F**orte aliter interdū sæpè experiuntur: & eis quælibet dulcia & levia, in amaritudinem & tedium vertuntur. Cùm ergo talia superueniunt, non idcirco priora bona postponere debent: nec putare quod Deo dispiceat propositum sanctum: sed cogitare quām utile sit, vt quandoque parum tribulentur, & probentur à spiritibus malignis, & sic per patientiam fructus bonos afferant. Admonentur per hæc quoque, de cætero fieri sollicitiores ad tolerantiam aduersitatum, quia non tantum in quiete, sed etiam in tribulationibus & temptationibus, Deum diligere & laudare, gloriosior profectò via perfectionis est ad eternam vitam.

## 16. Reprobatio temporalis solatiij.

**Q**uid potest boni conferre homini, breue & inane foris solatum? Aut quid, postposito creatore, capietur de creatura iucunditatis? Nisi per creaturam querat ascendere ad conditorem, laborabit, nec satiabitur anima eius. De consensu, creatoris ad amandum creature exire licet, de sensu vero carnis attrahere delectationem, veritum est spiritui.

## 17. Commendatio dulcedinis cœlestis, que est in Christo Iesu.

**A**gnosce sponsi cœlestis speciem, & adverte dignitatem amoris tui; quia quicquid præter ipsum amaueris, non implebit te, sed fugiet abs te. Fugit omnis gloria terrestrium, & propinatur amantibus eam fel & acetum in nouissimis. Saturitatem non habet mundus, neque olei suavitatem. Iesus autem dulcedo inseparabilis, & totus desiderabilis, qui suos consolatione internæ pacis in præsenti frequenter visitat, & in futura vita satietate mirifica adimplebit.

## 18. De familiaritate cum Iesu.

**Q**uare igitur ipsius ditari consolatione, ipsius secreta dulcine refici, ipsius casta familiaritate in abyssum diuinitatis recipi; quia vox eius est: *Nemo venit ad Patrem nisi per me. Nullus locus tam solitarius sit, in quo Iesus priorem locum non habeat. Sine illo, omne secretum tumultus; cum illo, omnis locus quietus & delectabilis. Dulcius est esse cum illo in cruce quam sine illo in paradyso. Ipso praesente, quid iam deesse poterit?*

## 19. Quod diversimode nunc adest Iesus dilectis suis.

**N**unc tamen adest, sicut peregrinationi nostrae congruit, postea videbitur sicuti est. Adest quidem semper, sed non eodem modo. Quia aliquando iudicium suum nobis per tribulationem flagella aperit: aliquando misericordiam suam per ablationem aduersantium restitutionemque pacis manifestat. Sic adest piis dilectoribus suis, ut tamen sine pressura in hac vita non sint. In mundo (inquit) pressuram habebitis; sed confidite, quia ego vici mundum. Sic adest ipse tamquam filius pater; ut castigati, & non mortificati, ut destituti, sed non derelicti; ut infirmati, sed fide non fracti; ut lugentes & egentes, sed spe gaudentes & charitate feruentes, melius & expeditius tendant ad aeterna, formidolosius & despiciens teneant presentia. Rursum adest electis gratiam infundendo, interius consolando, cælestia reuelando, pacem mentis & corporis largiendo, vitia & passiones suppressendo, tentationes & grauitates cæteras auferendo. Sed non semper durat haec clarior hora: quia iterum se subtrahens, permitit penè omnia contraria evenire, ut fides illorum preciosior sit auro, quod per ignem probatur. Et tamen tunc adest etiam, & satis utiliter & fructuosè, licet sustentandi suius & indestabilius.

## 20. De laude patientis aduersum Iesu &amp; scandalum.

**Q**uam laudabilis hic, cui Iesus placet non minus in aduersum quam in prosperis. Qui cum illo manducat & bibit, & item libenter esurit & sitiit. Qui sequitur eum usque in montem visionis & glorie, & constanter non formidat sequi eum in pretibulo; confiteturque in singulis istis, quoniam bonus, quoniam dulcis, & amabilis, atque laudabilis valde. Hinc ipse dicit; *Blessed is he who shall not be scandalized in me; quando videlicet aduersum contingunt. Quia in prosperis scandalum non vrunt, nec in tempore probatur esse discipulus Iesu. Dilige ergo eum, quando bona tribuit; dilige eum, quando eadem tollit: insuper & quando tribulationem mittens affigit. Nulla aduersitas, nulla prosperitas*

Ivan. 14.

Ioan. 16.

2. Cor. 9.

2. Pet. 1.

Lucas 7.



ritas eorū penitus ab eo separat. Nec mirum, si grauatur & tribulatur ipsa natura, cūm instat passio: dummodo tamen spiritus se subdat voluntati & ordinationi eius, manet utique in paciente natura dilectio.

## 21. Desolatio habendo cum Christo Iesu.

Hic itaque pro solatio vnicotibi sit: ubicumq; fueris, & quatercumque tecum transierit, ipsius in te mansionē semper sitas, & omnia consilia tua in eo permaneant. Gratiam eius & presentiam summe caueas violare, quia illo offenso quid pacis habebis? Alta cogitatio & sensus elatus, amor temporalis & affectus visibilium, & quodcumque vile gaudium de creaturis, obnubilat cor etiam sanctum: ne videatur Iesus cum Patre in celo, aut sub matre in praesepio. Insipida sunt omnia deuota Christi mysteria conuertenti se ad exteriora & inania. Affectus vero affectum vincit: & qui spiritualia sapit, omnia inferiora propter Christum libenter derelinquit.

## 22. Vita Christi &amp; Sanctorum extra mundum fuit.

**A**Neceſſit nos forma filij Dei, & secuti sunt cūm omnes ex- Apoc. 7.  
ercitus Sanctorū in albis. Vilipensus est à philochristis omnis decor exterior sensibilium rerum, aurum & argentū, lapides preciosi, varius ornatus vestium abundantia diuitiarum, copiosus apparatus epularum, voluptas carnis, frequentia clientium, effrenatio deliciarum: & omne delectabile & commodum corporis non potuit emollire corda Sanctorum; nec inficere nares eorum, neque seducere oculos eorum, quia florentem mundum mentis despectu calcarunt: cūm scirent profectō celestē finem habiturum omne gaudium presentis vita, & postea in breui seculorum præmium, quod nullo fine claudetur. His tamen omnibus irretitus est mundus miserabiliter, his insanit libidinibus, his lætatur lutu voluntabris. Tacere melius est de his, quām immunda purgamenta reueluere: ne coinquationis suæ puluerem etiam ad secretum mentis hostis iactet, ne tumultus inferat, ne meliora dirimat, ne occasionem alicuius maculæ ex hac recordatione præbeat, & sustinere non possit.

Spiritualibus cura  
est etiam tacere de mundo.

## 23. De quiete cellicola, à turbine seculi.

**Q**uam bene agis cellicola, quod spretis seculi tumultibus, confugisti sub umbraculum Christi, ubi interim repauset quiete felici. Quām sapienter elegisti latere: quām proficue conforaris soli Deo vivere, & eius oculis tantummodo apparere. Si Christum & matrē Christi diligis, si amantes Iesum & carentes post eum deuotè sequeris, non erit in te amor & cura carnis, neque angustus paupertatis locus, neque labor tedium, neque tristis solitudo tua, neque silentium non iucundum.

## 24. De inclusorio &amp; secreto cordis in omni loco.

Spiritualē  
semper se-  
quitur so-  
litudo.

Ioh. 1.

Gen. 6.

Fac tibi quoddam cordis inclusorium, ut etiam quolibet in loco constitutus sis, tecum comitetur tua solitudo. Arcam construe ex omni parte firmam & seratam, ut salueris ab aqua diluuij: graues enim sunt & indicibiles fluctus magni maris, scularis utique cohabitationis. Super ripā Iordanis stabat loanes, & vidit Iesum ad se venientem. Stat cum eo super ripam fluminis, qui seorsum ab artibus mundanis degit, ut Iesu oculis fidei altius contempletur. Vnam tamen fenestram habeat arca tua, ut per eam intret Christus, & sit obliqua, ne veniat Satanas, quia minus late amicum suscipit, qui inimici fraude aditumque non obstruit. Omnibus bonis inimicus est diabolus insidiatorq; continuus, sed monachis & religiosis amplius. Qui quanto perfectius per iter incedunt virtutis, tanto acrum ille nititur eos impedire, quibuscumq; potuerit artibus. Aduersus quem nos muniatur, & à cuius fallacia præsignet & tutetur seruulos suos Jesus Christus Dominus noster. Amen.

## CAPUT SECUNDVM.

## De silentio.

## ARGUMENTA HVIUS CAPITIS.

De custodia silentij.

Exemplum silentii in David propheta.

Commendatio silentij, secundū priscos patres sanctos &amp; religiosos.

Virtutes silentij.

Remedium contramultiloquium.

Reprehensio loquacium.

Excusatio utilium doctrinarum.

De cautela contra rigorem nimium &amp; abstractionem singularē.

Distinctio diuersorum hominum in silendo.

De quibusdam specialibus impedimentis, qua sunt in locutione longa.

Contra nocturna colloquia.

Experimentum male conscientia arguit talia colloquia.

Remedium contra predicā.

Necessaria locutiones.

Consilium taliter loquentium.

Consideratio utilis prudentibus.

De instabilitate leviter &amp; dissolutè loquensium.

Qualiter discessit homo à multiloquio.

§. I.

II.

III.

IV.

V.

VI.

VII.

VIII.

IX.

X.

XI.

XII.

XIII.

XIV.

XV.

XVI.

XVII.

XVIII.

DI.



De peccato locutionis.	xix.
De viuo detractionis.	xx.
Quod faciliter peccatur in verbo.	xxi.
Qualiter decipitur homo, & retrahitur à custodia silentij.	xxii.
Recognitio erroris post lapsum.	xxiii.
De laqueis lingue.	xxiv.
Quæstio oritur ex paulo antè & longè antè dictis.	xxv.
Discretio sequenda est, & inquirenda præ omnibus iam dictis.	xxvi.
Deuoti & religiosi plus ceteris silentio insistere debent.	xxvii.
Communiter (hoc est ferè omnes) silere magis indigemus quam loqui.	xxviii.
Defectus consolationis spiritualis unde proueniat.	xxix.
Silendum est magis in deuotis temporibus & festiuitatibus.	xxx.
De communione Eucharistie.	xxxi.
Comparatio dilecti amici ad dilectissimum amicum Christum.	xxxii.
Dignitas Christi, & humilitatis eiusdem ad nos.	xxxiii.
Quantam habet anima, suscepto Christo, consolacionem.	xxxiv.
Cur non suscipimus uberem fructum ex frequenti communione corporis Domini.	xxxv.
Sapientia communicare maxima est consolatio animæ religiose.	xxxvi.
Quod diabolus nititur impedire devotionem hominis ad Deum.	xxxvii.
Quod diabolus insidiatur maximè solitarii.	xxxviii.
Virilitas & alacritas cuique habenda contra inimicum.	xxxix.

## 1. De custodia silentij.

**N**on satis debet esse ad profectum tuum ut diligas secretum, silentium nisi diligas religionis custodem, sacrum scilicet silentium. custos religionis.

## 2. Exemplum silentij in David propheta.

**H**inc de sancto David, qui tam multa cælestis contemplationis arcana in secreta mansione didicit & cecinit, notanter scribitur, quod Chusi erat amicus David, qui interpretatur filius. Quam specialis iste amicus eius fuerit, in pluribus psalterij locis aperit dicens: Duxi, Custodianus vias meas, ut non delinquam in lingua mea. Et paulo post: Obmutui, & humiliatus sum, & filii a bonis. Qui rursus alibi deprecatur Dominum, pro continentia linguae, dicens: Pone Domine custodiam oris meo, & ostium circumstantia labii meis. Talis ac tantus vir, qui quotidie magnis populus turbis ambiebatur, & regali potestate etiam multis nationibus dominabatur, silentium diligebat, lingue suæ custodiā ponebat: & ne superaretur aliqua fragilitate aut levitate, pro hac Dominum humiliter exorabat. Vbi statutum legerat silentium

Z z 3 reli-

religiosorum? Vbi disciplinam didicerat monasticā? Certe Spiritus sancti gratia praeuentus & intrudens, legem virtutē & disciplinę suscepit ac tenuit. Quæ si nunc assit nobis, poterimus & eandem obseruare silentij formam, quæ à senioribus nostris tradita est, & diligentius ab antiquo commendata.

3. Commendatio silentij, secundum priscos patres sanctos  
& religiosos.

**O**MNES religiosi patres commendauerunt silentium; & qui cumque etiam priuatim vixerunt, hoc tenuerunt & docuerunt. Quidam habent quasi quotidianum silentium; quidam autem sub quedam moderamine temporum, locorum, & personarum. Et licet non arceris ad tantam obseruantiam, ad quantum multi ex professione ordinis tenentur; tamen magni meriti apud Deum eris, quod ex voto & amore silentii os tuum custodis. Insuper & aliis in hoc proposito bonum & edificabile prebebis exemplum, cum viderint formam sanctæ religionis in te florere.

4. Virtutes silentij.

**S**IS igitur solitus in hac obseruantia propter multas virtutes in calentes. Nam silentium bene seruando, obedientiam etiam seruas, humilitatem retines, verecundiam adornas, sensibus reverentiam exhibes, iuuenibus exemplum præbes, levibus & dissolutis timore incutis, extrancis bonam famam, intraneis pacem & concordiam generas. Habeas autem adhuc talem custodiā, ut primò seruas strictè & perfectè, quod communis constitutio fixit; dehinc, ut cum loqui licet, temperate utilia & necessaria sive tibi seu aliis dicas. Quæcumque autem superfluitate, aut otiositate, aut negligentia coincidunt, citius emendare festines, atque post lapsum præmunitior esto de cetero.

5. Remedium contra multiloquium.

**S**ALUTARE remedium est contra excessum locutionis, aliquo tempore abstinere a necessariis & licitis verbis, etiam si nemo iubeat. Leuius & suauius onus fertur, quod ex affectu voluntario & interiori Spiritus sancti correptione accipitur. Prudenter quidem se arcerat sub disciplina discipulus, agnoscens recentem culpam, antequam magister cum virga accedat, ad fierendum crescentem iam passionem.

6. Reprehensio loquacium.

**S**I assuescit aliquis ad singulas occasiones loqui, quando erit liber & quietus in se? Raro debet loquaci loquendi occasio, neque illa ei persona disconuenit. Quasi omnibus notus sit, sic affatur



affatur tacentes & ignotos. Sapientibus & insipientibus debitorum se facit; si & materia & peritia sermonis non delit, de omnibus se instructum putat: tamen hora breuis & signum silentij, cogit breuiare sermonem. In hoc v̄sus est malus, peior correctionis negligens, sed fragilis aliquando venialis, & ad correctionem priorum.

## 7. Excusatio vtilium doctrinarum.

**N**E tamen putetur omnis locutio aut sermo prolixus reprehensibilis, & doctrina Christi, & Apostolorū Actibus, probari potest. Nam Christus ascendens in montem docturus discipulos suos, vberiori eos sermone protracto ditauit. Altera quoq; vice electurus duodecim apostolos, prius sapientiae suae monitis largius illos instruens ad prædicandum misit. Nouissime verò cum iam esset recesturus, & in crastino passurus, post sacratissimam cœnam coepit solito prolixorem habere sermonem, sicut tristibus & orphanis, sua gratissima præsentia orbanis, necessarium esse percipiebat. Constat de beato apostolo Paulo, quod aliquando ædificationis gratia, vsque ad medium noctem sermonē protraxerit. Similia quoque inueniuntur gesta ab antiquis patribus, quemadmodum beatus Antonius fratribus collationem vberiorem impertitus est; veluti & beatus Benedictus, Domino hoc volente, sorori suae de cœlestibus gaudiis nocturnum colloquium præter consuetudinem solitam cōcessit. Vbi ergo talis intercesserit vtilitas & gratia, acquiescere aliorum postulationi esset magnum pietatis opus. Neque hoc factō solueretur spiritalis animæ intelligentia, cum possit forte maior, propter fraternalm ædificationem, hic ipsa hora intellectus dari. Si quis autem subditus est obedientiae, nihil agere potest sine superioris licentia; nec quidem loqui, etiam si possit prodeſſe. Superior, vel quilibet sui adhuc iuris, in hoc maxime Deo subiectus erit. Secundum rectè sapientes, sermo longus & vtilis culpari non debet, tanquam ideo superfluus, quia diffusè tractatur, alioquin tardiores sensu ſepe relinquerentur. Omne autem verbum, quod grauitatem aut vtilitatem non redolet, merito longum à puris mentibus esse sentitur. Licet igitur custoditus esse debeas & tardus ad loquendam, quatenus suo in tempore prudentior & vtilior fias ad proferendum; sic tamen ama silentium, vt fratri indigenti non deneges verbum. Sic tecipsum tempera ab omni solatio alieno, vt si res postulauerit liberè conferas cum amico, eiusque utaris consilio. Pene (inquit Propheta) estium circumstantia labijs nos. Ostium ad apere riendum & claudendum aptum est, vt necessariis aperiatur, vanis claudatur.

quamvis  
prolixē nō  
minuant  
silentij  
virtutem.  
*Matt. 5.*  
*Matt. 10.*  
*Ioan. 14.*

*Act. 29.*

*Psal. 104.*

8 De cautela contra rigorem nimium, & abstractionem singularem.

Vnde caudendum est, ne rigidè & indiscretè quis raceat, p*ro*p*ri*e p*u*is, qui cum aliis in congregatiōne viuit. Nam qui in singulari silentio rigesceret, diu stare concorditer cum aliis non posset. Aut ipse per se deficit, aut diabolicis instinctibus ad alijs qua deteriora in fine labitur. Exempla plura vidi & quædam nō longè audiui, & tu fortè quosdam nosti. Qui appetit bene & perseveranter proficere, non solum attendat, quām fortiter incipiat, sed etiam quo sine consummet. Sæpè strictiora principia quorumdam, finem fecerunt laxiorem ceteris, & quidam abiecti retrorsum. Omnino enim videbatur eis importabile iugū Domini. Fervor in principio necessarius est, sed tamē non sine moderatione. Non est sine periculo & laqueo, singularis obseruantia in communī domo. Ille magis laudabilis fervor, qui communia propriis preponens, in his nunquam negligens satagit inueniri, quæ cum aliis suscepere ad portandum.

9. Distinctio diuersorum hominum in silentio.

**Q**uidam magnū astimant, silentiū continuum seruare, sicut & est: sed silere & loqui, prout oportet, maius est. Qui abstractè & solitariè viuit, potest quantū strictius voluerit, silentiū custodire. Qui verò cum multis viuit, non solum fatis sibi sed etiam aliis socialis esse debet. Adhuc qui in externis est, & cum diuersis hominibus sæpe conuersatur, implere tantam custodiā difficulter potest, quin verbo aliquando offendat; & vimnam scipsum non penitus perdat. Ideoque illi bene, cui donatum est à Domino esse & posse in quiete & in cella morari; quia exteriora & secularia, vix sine culpa & spirituali detimento possunt tractari. Nam qui in multitudine est, sæpe tacere ab aliis nō permittitur. Et cùm ex necessitate loqui tantum appetit, vñ locutionis ad negligentiam sui primò labitur; postmodum lingua proclivius ad quæcunq; libet resoluitur. Vnde cōsequenter accedit, vt quod audire pacificè vix potuit propter cordis custodiā, & multa negligētia hoc ipsum non pudeat eū publicare.

10. De quibusdam specialibus impedimentis, in locutione longa.

**S**ciendū ergo, quod in locutionibus solent homini spirituali sæpe multa contingere detrimēta. Propterea utile est habere aliquam admonitionem & instructionē, ad quædam specialius cauenda. Vnde frequenter habere longa colloquia, irreligiosum est

Silentium  
non omni-  
bus & que  
indicitur.



est & suspectum. Nam talia inanem faciunt hominem, & sancti propositi immemorem, & ad quietis & cellæ custodiam pigrū, & ad diuina cogitanda cæcum & insipidum. Rare enim edificatio nascitur spiritualis hinc inde vagè cōferentibus. Absq; certa speciali q; tractādi materia, longa colloquia non expediunt: & his præcipue temporalibus, quibus Deo familiarius vacandum esset. Nam summopere manè & vespere, ab omnibus humanis astibus & colloquiis cessandum est; quia hæ sunt horæ deuotionis, reparationis, emendationis, & propositionis. Et quia ista tempora negligenter ducunt, timendum satis, quod per totum diem distractiores erunt, pluraque offendicula incurrent. Sacra rigitur illorū institutio religiosorum, qui arctiori silentio, post horam completorii usque post primas insistunt, potissimum consideranda esset & imitanda.

Incōmoda  
ex prolixa  
locutione.

11. *Contra nocturna colloquia.*

**N**on est bona quorumdā consuetudo, sed execranda noctem sacram turbandi fabulis, quæ electa est & deputata tantum cælestibus disciplinis. Nisi enim præcaueatur vespertina seu nocturna inutilis fabulatio, sequitur multoties de manè longa dormitatio, & alia disconuenientia in reliquis Dei operibus: quia secundum quendam sapientem, Vno inconuenienti dato, sequuntur plurima. Et est deffenda vtique transgressio, digneq; Aristote-  
punienda, diem videlicet laboribus & distractionibus deduce-  
re, & aduerserante sole his deteriora audere; nec lapsus diei cursum per restantia quietis tempora aliquatenus rueocare. In-  
congruum omnino videtur, vt aliis deuotioni & quieti deditis, alij pascantur infelibus fabulis; vnde sibiipsis graue cōscien-  
tiā, reliquis autē scandali occasionē, aut aliud puritatis impe-  
dimentum contra Deum & proximum peccantes acquirant.

Aristote-  
les.

12. *Experimentum mala conscientia arguit talia colloquia.*

**C**onfessi sunt quidam experientia instructi, parvam se gra-  
tiam, tristitia verò magnâ, ex nocturnis contraxisse collo-  
quiis. Quia si bona multa interfuerant, atq; prima intentio pu-  
ra visa est, mala tamen arctius premebat, quæ qualicumq; oc-  
casione non defuerunt. Nam hoc multoties accidit, vt aliquid indecens, seu seculare, aut detractorum verbū, dicatur aut au-  
diatur, quod non faciliter à corde recedat, & ex illo plus insi-  
ciatur auditor, vel grauius mordeatur postea, qui dixit, quam  
de omnibus aliis sanè & acceptabiliter retractatis emendetur.  
Cum enim homines valde fragiles simus, parvum & leue est,  
vnde non parum s̄æpelædimur aut inficiimur.

Itemperi-  
ua collo-  
quia con-  
scientiam  
onerant.

13. *Remedium contra predicta.*

**A**ntidotus **I**deo medicina huius fragilitatis efficax est, praecauere tentationis laqueum, fugere occasionem loquendi, citius etiam ab peste locustarum, rumpere, antequam crescat ignis lingua. Quia ignita tela diabolique excunt per linguam immoderatam quam ille commouere, tanquam familiare sibi membrum, nunquam cessat.

14. *De Necessariis locutionibus.*

**S**ed cum aliqui sint, quos causa satis necessaria saepe ad loquendum trahit, siue de his quae ad officium curae eorum spectant, siue quae interius ex animi perplexitate exurgunt; ita ut ad aliorum consilium & solatum, eorum solatum aliqualiter dependeat non videtur tum possibile, ut moras loquendi aliquando non exagerent.

15. *Consilium taliter loquentium.*

**P**raetextus necessariis locutionis quomodo tollatur. **Q** Vibus tamen hoc faciendum est & sugerendum, ne humana solatia ultra necessarium petant; sed potius misericordiam Domini cogitantes, in suis dubiis & perplexitatibus studeant in silentio intentius ad Deum confugere, & ab eo suffragium petere, atque ab aliis etiam fratribus manum superni leuaminis humiliter inquirere, donec subleuentur. Quicquid autem humano metu aut propria fiducia maculosum contraxerint, statim ut animaduertere cuperint eidem supernae bonitati summaeque prouidentiae eius vniuersaliter committant. Quoniam quidem nulla sunt humana consilia, inutilisq; mortalium solertia, nisi ipsius preueniat & subsequatur nos semper clementia. Sic ergo semetipso poterunt a nocuis & non necessariis verbis castificare, aliisque occasionem labendi tollere.

16. *Consideratio utilis prudentibus.*

**V**t superflua tolli queant, abstinendum interdum a necessariis. **S**mulque considerent, quia non affuerit homo cauere superflua, nisi a multis licitis libenter abstineat. Sapiens enim pauca sufficiunt, & necessariis acquiescentes multorum garrulationem non aduertunt. Insipientibus vero non sufficit verborum numerus, neque modum imitari sapientium norunt; & tamen scriptum est: *Stultus si tacuerit, sapiens reputabitur.*

17. *De instabilitate leviter & dissoluto loquentium.*

**A**ffuetudo diu multum quo loquendi, tacendi yotum remoratur. **H**anc doctrinam quidam cupientes seruare non diu perseuerant; quia aliter consuefacti, vincere pronitatem verborum leuum arduum putant. Cum enim ab omni sermone vacuo, prolixo, & vario se suspendere proponunt, quandoque etiam

cum



eum multo gemitu reprehendere incipiunt, quod hucusque tam incustoditi vixerunt, sed occurrente occasione, impositum sibi (propter vitiosam consuetudinem) silentium resoluunt.

## 18. Qualiter diffusus est homo à multiloquio.

**V**iam vero consuetudinem si dediscere & amputare viderint, studeant sepe innouare propositum hodie silendi propter amorem Christi; & sollicitius occasiones loquendi declinare, atque hominum leuum libenterque fabulantium vitare presentiam. Nec hoc tantum propter illos, quantu propter suam infirmitatem & insufficientiam, sibi faciendum esse sentiant. Insuper pro sui confortatione pensent, quanta mala ex tali vitioso usu soleant sibi accidere, quanta etiam posset adhuc, nisi vigilanter compescant lingua, accumulare. Linguam enim *Iacobi 3.* nullus hominum domare potest. Satis grauis & lamentabilis ista sententia, quod humanum genus in tanta versatur debilitate & insipientia: quod tam paruum membrum rationis imperio nequit subiugare. Forte longe facilius esset multis omnino racere quam verbo non iocari; aut quod ad rem non pertinet, aliquando non dicere. Quod si tacuerint, certe liberi erunt ab offensione verbi.

## 19. De multiplici peccato locutionis.

**V**is enim plenè iudicet, quoties peccatur verbo? Aut enim otiosum, aut irosum, aut elatum, aut durum, aut indignabundum, aut dissolutum, aut adulatorium, aut seductorium, aut vanigloriosum, aut præsumptuosum, aut defensorium, aut excusatorium, aut detractorium, aut mendosum, aut dishonestum, aut nocium, aut exprobatorium, aut illusorium, aut superfluum, aut improuisum, aut imtempestivum, aut illicitum, aut alio quolibet genere vitiosum est verbum, quod emittitur.

## 20. De vitio detractionis.

**I**ntr quæ sepiissime detractionis vitium principatur; quia de absentibus loqui nunc isti, nunc illa, generalissimum inter homines congregatos innenit. Et unusquisque libenter, quod sibi in aliis placet aut displicet, euomit, minus cautè attendens, ne forte cuiquam deroget; quam grauiter etiam & faciliter possit verbo delinquere. Sepe dicitur, quod statim (ut dictu est) pœnitere incipit, & nunquam (si posset illas sum reuocari) diceatur. Et utnam semel cadendo, doceretur homo damno suo, ne iterum caderet.

## 21. Quod

21. Quod faciliter peccatur verbo, facilis corde;

*Iacob 3.*

**Q**uo facilis delinquitur, quam verbo? Qui enim verbo non offendit, hic perfectus est vir. Sed tamen cogitatione multo facilis ac etiam grauius delinqui potest. Ex corde enim (vt Dominus ait) oriuntur blasphemiae, mendacia, quae coinquant hominem. Malum igitur prius concipitur in corde; verbum autem malum procedit ex malo corde. Sed in corde facilis & occultius, in verbo autem facilis & manifestius peccatur. Hinc etiam scriptum est: *In multiloquio non deerit peccatum.*

22. Qualiter decipitur homo, & retrahitur à custodia silentij.

*Matt. 15.*

*Prov. 21.*

**D**ecipitur homo multoties sub pietatis & affabilitatis vulto, retractus à rigore suo, quæ sibi indixerat; vt cum cauere cupiens nimietatem loquendi, timet periculum aliud, ne ex sua taciturnitate quispiam grauetur. Quia fortè non satisfacit ei quia rarius cum alloquitur; quia parum de ipsis fraternitate curare videtur: vnde etiam aliquando parua charitas, celestior suspicio, cōmotio & indignatio, conquestio aut etiā detractio, in altero surrepere posset. Sed hoc si aliquo iudicio deprehenderet, & alterius charitatem super se violari præsentiret; tunc quantum liceret ei, ex obedientia loci & temporis loqui, non loquens peccaret. Lingua enim placabilis lignum vitæ, & verbum bonum super omne donum. Sic iterum descendet homo ad aperiendum ostium pulsanti; qui pro sua persona claudere semper appeteret os suum, vt tanto securius custodiret animam suam. Sed quomodo decipitur, nondum apparet; quia ex forma prædicta soluere silentium, non culpa, sed virtus videtur. Verum quia homo ad loquendum serus & custoditus, circa principium aliquantulum strictrior est; sed cum iam lingua ad longiora mouetur colloquia, multa etiam negligenter subintrare patitur, quæ ex fine, serò conscientia ad se reuertente, clarius videt; ita quod incepsum est necessitate & utilitate alterius, finitur sœpe leuitate & permixtione externæ consolacionis: & qui proposuit vix admittere necessaria, ne rueret ad otiosa, ex primis necessariis ducitur extra se, ad represensibilitatem. Sæpe etiam aduertit lapsum suum, & tamen labendo non tacet; videt se decuiare, nec reddit, donec foueam apertam inueniat, aut obstatulum, quod os eius obstruat: atque utinam confusus & humiliatus, ciulando & dolendo resipiscat, nec amodo sibi confidat.

23. Recognitio erroris post lapsum.

**Q**ui cum plenè in se reuersus fuerit, fragilitatem suam multam considerans, deceptionemq; perpendens, meritò cum propheta



pheta conqueri potest: *Laqueum parauerunt pedibus meis,* & in Psalm. 52.  
cur auerunt animam meam.

## 24. De laqueis lingua.

**P**rimo sequidem homo illaqueatur ad auditum verborum non sanorum, postea incuruatur ad consensum, ut dicat iam talia, quæ audere metuebat. Valde enim incuruatur anima, quando deserto Deo & sermonibus eius, conuertitur ad vaniloquia, pro capienda consolatione misera. Vel sic quandoque pedibus illaqueatur, ut stet ad loquendum per alias moras; tandem ex placentia audiendi vel loquendi, incuruatur ad sedendum, ut sit iucunda & integra fabulatio. Ecce frater, quantus laqueus lingue, quam prona subintrat seductio. Non ergo diffonat à verbo, quia sàpè decipitur quis, sub pietatis vultu, à sancto rigore.

## 25. Questio oritur ex his, &amp; longè antè dictis.

**R**ursum te mouere potest, cum longè superius dictum sit causandum esse de nimio rigore, qui quosdam de singularitate norat, & quádoque perdidit; cur hic ostenditur casus & laqueus, si rigor negligitur? Inter angustias comprehenditur hoc auditio animus, & sermo iste magis perplexum legentem facit. Qui propter huiusmodi mouetur, cogitet, quia utrobique pericula, ubi obstat plura insunt, siue loquatur, siue indiscretus raceat.

## 26. Discretio sequenda est, &amp; inquirenda pra omnibus iam dictis.

**V**ad aliquam saltem discretionis regulam se aptet & informet, conueniens fuit, ut hanc ostendo bono silentij, & virtuo loquacitatis, cum eorum laqueis virtutis amator facilius inueniret. Nec ergo simpliciter oportuit commendari silentium, Discretio quasi semper seruandum: neque reprehendi ipsam rursus locum, tanquam semper superfluam; quia in omnibus discretionem, ubique necessaria.

## 27. Denoti &amp; religiosi plus ceteris silentio insistere debent.

**E**st tamen pluribus magis necessaria custodia silentij, qui vi- Silentium  
delicet in statu religionis & proposito bono, atq; à seculari- monachis  
bus hominibus remoti, & omnibus temporalibus curis exuti, in primis  
Deo seruire elegerunt. Qui etiam maiorem rationem tenentur necessarium.  
reddere in die iudicij, pro omni verbo. Nec solù de verbo, sed  
de qualibet alia negligentia & transgressione, grauius iudica-  
bantur. Cui enim plus donatum est, plus ab eo exigitur. Si etiam  
illi plenam excusationem non habent, qui officio pastoralis  
cura,

734  
curæ, aut fraternæ necessitatis commissione, quædam otiosi  
verba vel superflua, per fragilitatem coguntur admittere, quan-  
to minus qui nullo tenentur vinculo solicitudinis alienæ?

28. *Communiter silere magis indigemus, quam loqui.*

**C**ommuniter omnes plus indigemus silere quam loqui: &  
verè pauci sunt, qui ad loquendum tam tardi sunt, ut vio-  
lentia indigeant. E contrario vero, multa violentia opus habe-  
mus, ut raro vel pauca loquamur. Nam loqui & fabulari secun-  
dum naturam est, sed silere, contra carnem, quæ exterioribus &  
secularibus pasci delectatur rumoribus. Potest tamen fieri, ut  
hominis sepe contrarium sit loqui, & maximè cum intrinsecus  
visitatur & compungitur, atque amore aut terrore eruditur, ne  
tantam gratiam per negligentiam amittat.

29. *Defectus consolationis, spiritualis unde veniat.*

Vbi multa  
verba, ibi  
egestas.

**H**inc etiam potest esse signum, quod parvam habemus interi-  
orem consolationem; quia tam facilè & frequenter queri-  
mus exteriorē. Et ideo non meremur diuinam accipere, quia  
libenter admittimus humanam & caducā, quam oporteret nos  
potius fastidire. Quam si perfectè & perseveranter non valet  
quis abiicere, studeat saltem paulatim ad altiora & meliora  
transire.

30. *Silendum est magis in deuotis temporibus & festiuitatibus.*

**B**ene deceret religiosum, quibusdam deuotis temporibus an-  
ni, sicut in adventu Domini & in quadragesima, & quibus-  
dam aliis diebus, scilicet sextis feriis, abstinere se a colloquio,  
quanto strictius possit. Insuper arripienda esse: maior custodia  
cordis & oris pariter in vigiliis, & magnis festiuitatibus San-  
ctorum; quatenus debita reverentia & digna (quantum status  
suum permiserit) præparatus ad festa ventura, mereretur in die  
sancto sanctissimum dominici corporis & sanguinis sacramen-  
tum, desiderio magno gaudioque sincero suscipere.

31. *De communione.*

**C**onuenit enim illo præcipue die, quo Christum sacra-  
mentiter suscepimus ad hospitium cordis nostri, sacratori nos  
insistere custodie, & saltem unum letum diem cum ipso due-  
re, qui multis diebus & horis ab eius amplexu distrahimur. Non  
esset nimis mirum, si tunc anima deuota cum eo esset tota, quâ-  
do & ipse non dimidiatus, sed totus ad eam venire dignatus  
est Christus.

31. Cont.



## 32. Comparatio dilecti amici ad dilectissimum amicum Christum.

**Q**uis enim veniente ad se amico charissimo, statim cum alio. Christus  
cutus eum semel fuerit, foras egredi festinat, ipso solo in amicus  
domo relicto; quin potius ingreditur cum eo, etiam si foris fuerit, & noster in-  
tus. tanti hospitis curam alacriter excipit, ita ut aliis hinc  
inde occupatis, & ad externa egredientibus, hic soli se coniun-  
gat; tantoque familiarius alloquitur, propius affidet, & cuncta  
dilectionis signa exhibet; quanto secundior est, quia nemine pre-  
sente & aspiciente, possit verecundari vel prohiberi. Hoc mo-  
do susceptionis Christi aduentus deberet ab omnibus fami-  
lantibus sibi recoli: & longè deuotius & reuerentius, quanto  
maior est omnibus amicis & creaturis, desideranter ab uno-  
quoque nostrum recipi. O dulcissimum amicum, præ omnibus  
dilectis gratiosissimo honore suscipiendum!

## 33. Dignitas Christi, &amp; humilitatis eiusdem ad nos.

**Q**ui & tantæ dignitatis est & nobilitatis, ut nulla persona, Christi di-  
gnitas &  
nulla creatura, tam valens & elegans, sit quæ ei præsentari dignatio  
debeat vel assimilari: & iterum tantæ humilitatis & bonitatis incompa-  
existit, ut ad hominem inopem & infirmum venire, atque sub rabilis.  
testum eius intrare non deditur. Et qui cælum inhabitat, &  
omnem cælestum curiam sua deifica præsentia letificat, adhuc  
cum pauperibus hominibus esse, eorumque hospitia mendica-  
re & ingredi, quotiescumque desiderauerint, & sibi aperuerint,  
non despicit. Vnde sic ait: Ecce ego sto ante ostium, & pulso, si quis Apoc. 3.  
aperuerit mihi, intrabo ad illum, & eanabo cum illo, & ipse mecum.  
Fit autem ista coena, quandocumque Christi spirituali mente,  
vel etiam communione sacramentali deuotè & dignè suscipi-  
tur & manducatur.

## 34. Quantam habet anima, suscepto Christo, consolationem.

**H**ic ergo cum suscepimus fuerit, quomodo iam libet aliquod  
foras exire? Habet enim fontem omnium consolationum;  
habet & paradisum omnis voluptatis. Qui de hoc fonte bibe-  
rit, non sit et vnguam: quia qui corde suavitatem in Christo  
absconditam plenus degustat, nunquam temporalem vel car-  
nalem delectationem appetit, & hoc est. Non sit et vnguam.  
Bene illi animæ, quæ huic Sponso & amico dulcissimo ad se  
venienti domum mentis semper parat parandoque quotidie  
mundiorem efficere curat. Ipse tique libens hanc intrabit, qui  
antequam mundari incepisset, ad hoc venit, ut ciiceret tene-  
bras eius, & mundaret eam sibi. Veni Domine Iesu, & munda  
me; laua & exterge me, ut merear puro corde & casto corpore  
suscipere te, quia non est mihi bonum esse sine te.

35. Sur

35. *Cur non suscipimus uberem fructum ex frequenti communione.*

**T**imendum, quod multi ideo fructum paruum accipiunt de mensa Christi; quia nec antea nec postea sunt in sufficienti custodia sui, nec satis reuerenter præcogitant, quis est qui venturus est, nec postea ruminant, quia hodie sanctus sanctorum ingressus est ad eos. Qui autem soliti sunt præparare interiorum domum suam, & occurtere latanter obuiam Christo, ipsi noverunt, quid efficacia & suavitatis habeat haec sacro-sancta communio. In hoc agnoscitur vniuersusque deuotio & amor ad Christum, secundum quod ingeniosè se aptare curauerit ad susceptionem eius.

36. *Sepius communicare, maxima est consolatio anima religiosa.*

**E**s namque maxima consolatio religiose animæ, despiciens iam cuncta præsentia, diligenter solitariè & extra homines vivere, soli Deo & sibi in silentio intentius vacare, ut Christū consolatorem animarum omnium, saepius ad suam sumat consolationem & profectum. Non est illi materia externæ letitiae, non ægra spes longioris vita, non vana occupatio amicitiae carnis, non euagatio ambulationis corporalis, non implicatio commodi temporalis, non superflua solicitude rei familiaris, non magna fiducia in prosperis, non mentis delectio in aduersis; sed habet intus in anima Christum, propter quem omnia terrena solatia estimat detrimenta, loquens cum beatissima Agatha: Mens mea solidata est, & in Christo fundata, ideo non curio haec imma. Tantum mihi consortium suum Christus donet, amicabiliterque confabuletur, & satis dulciter consolabor. Excedunt quippe eius colloquia omnium consolatorum verba.

37. *Diabolus nititur impedire deuotionem hominis ad Deum, tristitia & acedia.*

**S**ed omnium bonorum emulator diabolus, tantam considerans hominis cum Deo passionem, non patitur eum sine mortalia temptatione, in sancto proposito consistere. Curandum ergo summopere est, & vigilandum contra nequitias eius. Nam saepe graui tristitia, sepe tedium affigit bene conuersantem; & cuncta, quæ possunt eum angustiare, ad memoriam dicit. Tota vacatio eius est, ut eiiciat amatorem quietis & silentij de tabernaculo suo. Igitur enim specialiter vitiis, tristitia & acedia (ex quibus quasi semper oritur cor dis tedium) persequitur solitarium, & maximè incipientem, & naturaliter tristem aut pasillanimem, quia per ista, homini quodammodo vires aufert. Sed quisquis firmiter in Deo confidit, eiusque amori nihil anteponit; sed mundū, & omnia quæ mundi sunt, calcare appetit, scipsumque volenti anno,

mo, ad omnes perferendas tristitias, amaritudines, & grauedines exponit; nullumque aliud solatium, siue per hominem, siue per aliquam mundi creaturam, quam Christum vnicum omnium honorum solatium concupiscit, profecto non tantum tristitiae & acediæ, sed omnium tentantium vitiorum victor & expulsor erit.

38. *Insidiatur maximè solitariis diabolus.*

**E**T quia magnus fructus & cælestis thesaurus queritur & inuenitur à solitariis Deo deditis; sciens hoc diabolus, qui Adam & Euam tentando, blandiendo, & falsa promittendo seduxit, paradi soque indignos reddit: ipse nunc vsque nescitur seducere & subuertere vnumque Christi seruum, mundi contemptorem, si quo modo extra cellam & solicitam cordis eius custodiam trahat, & sui propositi faciat obliuisci, aut etiam pauplum de profectu spirituali & feroce imminui. Et sicut antea dixi, per tristitiam vel acediam mentis, amplius istud machinatur; quia cum mens tristitia vel acedia involuta fuerit, nil est quod agere libet; sed vndique se constrictam & desolatam conspiciens, in consolatione ei ab inimico suggeritur, ut dolori isti externa recreatione medeat. Eleganter ergo persuadet sanctus Antonius dicens: Vniqa ratio vincendi inimicum, letitia spiritualis.

39. *Virilitas & alacritas cuique habenda contra inimicum.*

**N**AM qui virilis est, & alacer in Domino, quamuis fuerit imperitus temptationibus, potens erit aduersarium suum expugnare. Et quid dicā de fortitudine illius animi, qui nec patitur immundum spiritum ad fores intrare? E contrario, tristitiae & acediæ morbo languens, etiam si armamenta resistendi haberet, nulla virtutis potentia. Deficit enim corde, & formidine, ac pusillanimitate propria sæpe ante prosternitur, quam labor cum prælij tangat. Quapropter, o miles Christi, induc animam virilem, & ne paucas ad sonitum folii volantis; sed resumptris viribus, ita constanter aduersus multiplices diaboli conatus, nec credas mendacio eius. Dominus omnipotens, ipse erit protector tuus, & merces tua magna nimis; cuius potestas super passiones tuas, ita ut subiiciantur ditioni tuæ vniuersæ istæ nationes. Et quia excessum loquendi feci, ad portum silentij iam recesso. Lingua ergo manusque scribentis simul hoc iam fine si-lescat.

